

Broj: 05-33-4929-1/20
Sarajevo, 15.09.2020. godine

Federalno ministarstvo zdravstva, rješavajući po zahtjevu Privatne zdravstvene ustanove Poliklinika i Dnevna bolnica „Dr. Al-Tawil“ Sarajevo, u predmetu verifikacije ispunjenosti uvjeta prostora, opreme i kadra za obavljanje mikrobiološke djelatnosti - laboratorijske izolacije virusne RNA i identifikacije uzročnika zarazne bolesti (SARS CoV-2) radi utvrđivanja dijagnoze na COVID-19, u Mikrobiološkom laboratoriju ove zdravstvene ustanove, temeljem članka 14. stavak (6) Zakona o zaštiti pučanstva od zaraznih bolesti ("Službene novine Federacije BiH", broj 29/05), a u svezi s člankom 188. Zakona o zdravstvenoj zaštiti („Službene novine Federacije BiH“, br. 46/10 i 75/13), kao i Naredbi o proglašenju epidemije zarazne bolesti COVID-19 („Službene novine Federacije BiH“, broj 48/20), te člankom 215. Zakona o upravnom postupku („Službene novine Federacije BiH“, br. 2/98 i 48/99), d o n o s i

RJEŠENJE

1. Privatna zdravstvena ustanova Poliklinika i Dnevna bolnica „Dr. Al-Tawil“ Sarajevo, - Mikrobiološki laboratorij, sa sjedištem u Sarajevu, ul.Zmaja od Bosne broj 7, određuje se za obavljanje mikrobiološke djelatnosti - laboratorijske izolacije virusne RNA i identifikacije uzročnika zarazne bolesti (SARS CoV-2) radi utvrđivanja dijagnoze na COVID-19, i to za razdoblje trajanja epidemije zarazne bolesti COVID -19 koja je proglašena Naredbom o proglašenju epidemije zarazne bolesti COVID-19.
2. Obvezuje se Privatna zdravstvena ustanova Poliklinika i Dnevna bolnica „Dr. Al-Tawil“ Sarajevo, - Mikrobiološki laboratorij, da vodi evidenciju o izvršenim laboratorijskim ispitivanjima na COVID-19, te za dostavljanje izvješća sukladno Pravilniku o načinu vođenja evidencije o izvršenim laboratorijskim izolacijama i identifikacijama ("Službene novine Federacije BiH", broj 101/12).

Obrazloženje

Ovom ministarstvu obratila se Privatna zdravstvena ustanova Poliklinika i Dnevna bolnica „Dr. Al-Tawil“ Sarajevo, - Mikrobiološki laboratorij, u predmetu verifikacije ispunjenosti uvjeta prostora, opreme i kadra za obavljanje mikrobiološke djelatnosti - laboratorijske izolacije virusne RNA i identifikacije uzročnika zarazne bolesti (SARS CoV-2) radi utvrđivanja dijagnoze na COVID-19, u Mikrobiološkom laboratoriju ove zdravstvene ustanove temeljem članka 14. stavak (6) Zakona o zaštiti pučanstva od zaraznih bolesti ("Službene novine Federacije BiH", broj 29/05), a u svezi s člankom 188. Zakona o zdravstvenoj zaštiti („Službene novine Federacije BiH“, br. 46/10 i 75/13), kao i Naredbe o proglašenju epidemije zarazne bolesti COVID-19 („Službene novine Federacije BiH“, broj 48/20). Uz zahtjev je podnijeta dokumentacija kojom se dokazuje ispunjenost uvjeta za obavljanje tražene djelatnosti sukladno odredbama Pravilnika o uvjetima glede stručne spreme uposlenika, tehničke opremljenosti, prostorija i drugih uvjeta kojima moraju udovoljavati zdravstvene ustanove koje obavljaju laboratorijsku izolaciju i identifikaciju uzročnika zaraznih bolesti, odnosno epidemije zaraznih bolesti i provjeru (verifikaciju) laboratorijske izolacije i identifikacije uzročnika zaraznih bolesti radi utvrđivanja dijagnoze („Službene novine Federacije BiH“ broj 101/12).

Razmatrajući predmetni zahtjev u uvjetima:

- kada je Zaključkom Vlade Federacije BiH V. broj 164/2020 od 31.01.2020. godine utvrđeno da se, sukladno članku 8. stavak (2) Zakona o zaštiti pučanstva od zaraznih bolesti, novi koronavirus (COVID-19) ima smatrati novom zaraznom bolesti, čije je sprječavanje i suzbijanje od interesa za Federaciju BiH,

- kada je proglašena epidemija zarazne bolesti COVID-19 Naredbom o proglašenju epidemije zarazne bolesti COVID-19 („Službene novine Federacije BiH“, broj 48/20), koja prema podacima Zavoda za javno zdravstvo Federacije BiH ima karakteristiku epidemije većih razmjera u Federaciji BiH,
- kada je člankom 188. Zakona o zdravstvenoj zaštiti dato je pravo federalnom ministru zdravstva da u stanju epidemije većih razmjera može poduzimati i one mjere i aktivnosti koje nisu utvrđene zakonom i podzakonskim aktima, dok te oklonosti traju,
- kada je aktom federalnog ministra zdravstva broj 01-33-4203 od 22.07.2020. godine traženo proširenje laboratorijskih kapaciteta za obavljanje mikrobiološke djelatnosti - laboratorijske izolacije virusne RNA i identifikacije uzročnika zarazne bolesti (SARS CoV-2) radi utvrđivanja dijagnoze na COVID-19, uključivanjem u iste i registriranih privatnih mikrobioloških laboratorija koje ispunjavaju tražene uvjete, u uvjetima COVID-19 epidemije u Federaciji BiH,

federalni ministar zdravstva je, suglasno svojim ovlastima, donio rješenje o imenovanju Stručnoga povjerenstva (broj 05-33-4929/20 od 07.09.2020. godine). Zadatak ovog Povjerenstva je da kod podnosioca zahtjeva, Privatne zdravstvene ustanove Poliklinika i Dnevna bolnica „Dr. Al-Tawil“ Sarajevo, - Mikrobiološki laboratorij, izvrši neposredan očevid, radi provjere ispunjavanja uvjeta za obavljanje mikrobiološke djelatnosti - laboratorijske izolacije virusne RNA i identifikacije uzročnika zaraznih bolesti, odnosno laboratorijsku izolaciju i identifikaciju uzročnika zarazne bolesti (SARS Cov-2) radi utvrđivanja dijagnoze COVID-19 sukladno Zakonu o zaštiti pučanstva od zaraznih bolesti, kao i odredbama Pravilnika o uvjetima glede stručne spreme uposlenika, tehničke opremljenosti, prostorija i drugih uvjeta kojima moraju udovoljavati zdravstvene ustanove koje obavljaju laboratorijsku izolaciju i identifikaciju uzročnika zaraznih bolesti, odnosno epidemije zaraznih bolesti i provjeru (verifikaciju) laboratorijske izolacije i identifikacije uzročnika zaraznih bolesti radi utvrđivanja dijagnoze.

Stručno povjerenstvo je, po uredno dokumentiranom zahtjevu, izašlo na lice mjesta, te izvršilo neposredan očevid dana 14.09.2020.godine. Stručno povjerenstvo je tom prilikom i zapisnički konstatiralo da Privatna zdravstvena ustanova Poliklinika i Dnevna bolnica „Dr. Al-Tawil“ Sarajevo, - Mikrobiološki laboratorij, Sarajevo, ul. Zmaja od Bosne broj 7, ispunjava uvjete glede stručne spreme uposlenika, tehničke opremljenosti, prostorija i drugih uvjeta kojima moraju udovoljavati zdravstvene ustanove koje obavljaju mikrobiološku djelatnost - laboratorijsku izolaciju virusne RNK i identifikaciju uzročnika zarazne bolesti (SARS CoV-2) radi utvrđivanja dijagnoze na COVID-19 sukladno citiranom Zakonu i Pravilniku. Navedena djelatnost će se, sukladno članku 188. Zakona o zdravstvenoj zaštiti, a u svezi s Naredbom o proglašenju epidemije zarazne bolesti COVID-19, obavljati u razdoblju dok traje epidemija COVID-19 u Federaciji BiH. Zapisnik Stručnoga povjerenstva je sastavni dio ovoga rješenja.

Imajući u vidu navedeno, odlučeno je kao u izreci rješenja.

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor kod mjerodavnog kantonalnog suda, u roku od 30 dana od dana prijema istog, a u smislu čl. 5. i 18. Zakona o upravnim sporovima („Službene novine Federacije BiH“, broj 9/05).

Na ovo rješenje je naplaćena federalna pristojba u iznosu od 35 KM po Tar. broju 47, a sukladno Zakonu o federalnim upravnim pristojbama i tarifi federalnih upravnih pristojbi („Službene novine Federacije BiH“, br. 06/98, 8/00, 45/10, 43/13 i 98/17).

DOSTAVLJENO:

1. PZU Poliklinika i Dnevna bolnica „Dr. Tawil“
2. Evidenciji
3. Arhivi



MINISTAR

Prof. dr. sc. Miroslav Mandić